

# QUESTIO MEDICA.

Quodlibetariis Disputationibus manè discutienda in Scholis Medicorum Iovis 18. Ianuarii 1685.

M. JOANNE DAVAL, Doctore Medico, Præside.

*An Facultas coëtrix in vigiliis vegetior.*

**N**IHIL æternum in concretis rebus; quæque subit mutationis vices. Quæ in unum cogit natura, eadem dissolvit: in hoc mixtorum interitus, in illo ortus positus est. Mixtum quodlibet, solidum vel liquidum. Solidum quiete, liquidum motu servatur: utrumque natura miro artificio in animalibus, & in humano corpore maritavit; liquida conclusa solidis perenni voluntur motu, iisque exactâ proportionem respondent: ab his humani corporis structura, ab illis ejusdem functiones. Liquida solidis quasi carcere coercita, quantum possunt, aufugiunt atque avolant, horumque particulas sede dimovent, & secum abripiunt, quæ nisi similibus instaurarentur, tota compages citò corrueret: ejusce instauracionis causam, alimentum credas; in cujus sinu semina quedam unicuique corporis parti affinia continentur: occulta jacent, nullisque sunt usus, nisi evoluantur, & à supervacaneis partibus liberentur. Id operis in buccâ molitur dentes, lingua, saliva, in ventriculo calor, spiritus, succi digestivi acidioris humoris melancolici portioni non dissimiles, & ipsiusmet ventriculi actio: in aliis partibus eademense ac in ventriculo reperiuntur; si quid discriminis, illud præsertim à peculiari earum conformatione, quâ non tantum fit utilium particularum evolutio, sed & inutilium excretio: id coëctionis nomine insignitur, cujus, quæ allata sunt, proximæ, non principes, causæ censentur; extat nobilior, à quâ vel aguntur vel reguntur: non est ipsa separabilis ab animâ, nec immerito Facultas coëtrix nuncupatur. Dum illæ utilis adeo functionis causæ, calor scilicet, spiritus, succi digestivi, partiumque organicarum coëctionibus inservientium actiones vegetiores sunt; hæc quoque vegetior reputetur.

**N**IHIL coagmentatum in animâ, nihil extensum: nulla inter ipsam & corpus videtur proportio; utriusque naturam expendens ea nusquam in se invicem agere diceret: illorum consociationis lex te ab ejuscemodi sententiâ revocet. Ipsa te doceat experientia plurimas in corpore perfici functiones non naturæ, quam ab animâ repetendas; hæc siquidem volente,prehendunt manus, incedunt pedes, pulmo linguaque loquuntur, &c. Hæc ne animæ nutu & arbitrio; nisi in ipsâ, ea efficiendi ineffet virtus; maxime alioquin corpori concessa cognitio, nec minor sanè erga animam ipsi veneratio, quibus illius iussa & ritè caperet & libenter exequeretur! ne dixeris cum seculi philosopho supremum rerum omnium artificem decrevisse, variâ se ratione, pro variis animæ cogitationibus ac voluntate humanum corpus esse moturum; finita enim mens infinitæ arcana perscrutari nequit. Quod si ejuscemodi actiones, quas attendis, quas æquid jubet anima, ab ipsâ proficiscantur; cur non pariter illa, quæ nec attendit, nec jubet an attentio & voluntas animæ naturam immutant? an quamdam illi cum corpore proportionem largiuntur? an superficies, quibus corpus possit tangere & impellere? Adeo verum est actiones, quas non attendit, ab ipsâ etiam procedere, ut, prout variè afficitur, variè præagantur: in gaudio videlicet, cor dilatur; in omne corpus confestim diffunditur sanguis, rubet facies, micant oculi, ciborum viget appetitus, &c. Contrâ in mœrore, stringuntur cordis ostia, sanguis lento incedit gradu, pallescit vultus, flaccescunt oculi, vix appetuntur vix subiguntur cibi, supprimuntur excretiones, omnes tandem corporis functiones aut depravantur, aut hebelcunt. Modum quo eas perficit anima, ne inquiras: latet in profundo. In hoc Dei immensum miremur Nûmen, quo sui imaginem Microcosmi actionum causam esse voluit, ut ipse est Megalocosmi productionum & mutationum effector: quemadmodum enim immortus, ignorat nobis ratione, dat cuncta moveri; sic quoque motus expertus animâ suum commovet corpus. Hujus varium est motionum seu functionum genus, quod varias in animâ vires exigit, harum tamen diversitas à diversis, quibus insidet organis potissimum pendet: non equidem idem potest animus in ventriculo ac in cerebro, & vice versâ. Adverte, ejus potestatem in corpus certis limitibus definiti; ut enim tenuior puriorque ignis cœteris habet motus calorisque gradus, quibus nonnulla duntaxat mixta agitare & solvere potis est; pari quasi ratione sunt in animo præscripti virium gradus, quibus solidas liquidasque corporis partes ceteræque possit ita ut eas facile, omnibus muniis perbelle functurus, commoveat, si crassitudine convenientem modum non excedat; sin minus, nullam ipsius facultatem esse superfluentem, aut saltem pondere oppressam crederes: hinc mens in juvenibus micat, in senibus torpet: hinc in variis affectibus, ut in apoplexiâ, dyspepsiâ, &c. quæ sunt crassiorum succorum fœtus, universæ illius vires inertes soporæque latent. Si ergo functiones, motusvè liquidarum ac solidarum corporis partium ab animâ: maximo fit argumento eo vegetiorem esse coëtricem illius facultatem quo vividiores spiritus, calor, succi digestivi, partiumque organicarum coëctionibus inservientium actiones.

**N**ULLA in nobis functiones, sanguinem si tollas; eas producturus ipse è corde in omne corpus exploditur. Crassior, mole & inertia gravis, per aortam descendentem præpè cor reflexam deorsum fertur. Tenuior, vividiorque rectæ lineæ amantissimus sursum, per arteriam rectâ ascendente. Hic crebri superficiem alluens in glandulis, quæ substantiam illius cineream formant, succo salis Ammoniaci i similimo rursus comminuitur; ut ejus particulæ quasi ætheream naturam noctæ vicinos cerebri tubulos subire queant. Hæc si copiiæ penitiores cerebri incant, redeantque vias, diversis earum impressionibus, variis in anima cogitationes excitaturæ, modificantur; quod si ulterius, in nervos scilicet per totum corpus expansos, diffundantur; eos, vel per se, ac sua sponte commovent, vel habiles reddunt, ut externo impulsu moveantur, & acceptam impressionem ad cerebrum, ibi ab animâ percipiendam transferant. Hæc omnia dum peraguntur, liberum putes functionum animalium exercitium; secus sentias, si tenuiorum harumce particularum penuriâ concidat cerebrum, laxenturque nervi: In hoc enim somnus, in illo vigilia posita est, in quâ calorem, spiritus succos digestivos, & partium organicarum coëctionibus inservientium actiones longè vegetiores agnoscas.

**C**ALOREM à peculiari, non ab omni, motu repetas. Non sola quies frigoris causa: multa moventur, quæ frigida sunt. Caloris subjectum, spiritus: hi inter se naturâ suâ pares, tamen varii: & i criminis ratio à particularum heterogenearum permixtione: illi equidem in corpore nusquam finci; etiam in ipso cerebro, ubi puriores, habent semper aliquod admixtum: multa ejus delicatule subtilitæ rumpunt aditus. Succu digestivi solidioris, crassiorisque naturæ sunt; ex se inertes & ad motum minus idonei, penetrantes tamen admodum, & maximi usus, si ab externâ causâ concitenur: Partium organicarum actiones non absque fibrarum, quibus contextuntur, auxilio absolvi putes. Fibrarum vis à spiritibus, forsitan ab arterioso sanguine: si enim arteria prematur constringaturvè, perit motus partis, in quam dispergitur, pariter si nervus. Utrum hæc omnia aut in vigiliâ, aut in somno vigeant, facile innosceret ei, qui superius recensitam utriusque causam meminert. Hic sanè imbecilli calorj, illa fortioris, hic segniorum humorum, illa vividiorum soboles. In somno enim, quæ minor fit triplicis substantiæ dissipatio, excrementorum suppressio, sensuum quies, omnium ferè motionum cessatio, illi tandem succedens cibi fastidium, obtusum profectò calorem, maximamque liquidarum, ut solidarum, corporis partium inertiam arguunt. In vigiliâ verò, eür mentis vigor? eür omnis motus facilitas? cur libera excrementorum egestio? cur denique vigilia vorax esset? nisi in eâ calor, spiritus, liquores digestivi, partiumque organicarum coëctionibus inservientium actiones, essent multò vegetiores.

**S**OMNUS coëctionum hostis censetur. Qui secus sentit, erroris sui vel pertinaciæ penam luat, haud enim se, nondum subactis alimentis, tradat somno; quin ab ipso excitatus statim se se malè habeat; insensam in ventriculo gravitatem ferat; fœdidos ructus turpiter emitat; diris vexetur flatibus; qui in intestinis præsertim & in ventriculo suas agant tragedias; crassus hilitibus tumeant corporis partes; ingrato sapore castigetur gustus; cerebro humidis recrementis impleto, mens torpeat: Catharri, gravatiuscapitis dolor, etiamnum sopor ipse sint præjudicata opinionis argumenta. Sis alterius malis cautus: ne comedas: nisi vigilare possis; donec saltem majori ex parte coctus sit assumptus cibus. Da manus experientiæ rationi conjunctæ; ne influitis & prejudicio tenearis. Utilem adeo coquendi facultatem recrementorum, quæ per somnum gignuntur, pondere sopitam credas. Nec minus langueant ea omnia, quibus ad peragendas coëctiones, tanquam instrumentis utitur; si quod ab ipsâ imbecilliore concitari nequeant; si quod jam concitata iisdem recrementis pariter obtundantur: non secus ac spiritusnitri, qui uberiores aquæ admixtione hebescit, vimque illam deperdit, quâ mineralia metallaque plurima solvere poterat. Expende contrariorum leges, & certo tibi constabit omnia in nobis per vigiliam maximis pollere viribus.

*Ergo facultas coëtrix in vigiliis vegetior.*

## DOMINI DOCTORES DISPUTATURI.

M. Paulus Mattot.

M. Carolus le Long.

M. Ludovicus Morin.

M. Petrus Lombard.

M. Philippus Mathon.

M. Raymundus Finot.

M. Carolus Marteau.

M. Jacobus Renaut.

M. Franciscus Pijart.

Asserebat Parisiis ANTONIUS VARIN Parisinus, Baccalaureus Medicus. A. R. S. H. 1685.